

四庫全書

子部

欽定四庫全書

子部

玉海卷十五

詳校官中書臣程 炎

主事臣祁韻士覆勘

總校官進士臣朱 鈴

校對官編修臣朱 攸

謄錄監生臣勵世譽

欽定四庫全書

玉海卷十五

宋 王應麟 撰

地理

地理書

禹山海經

禹山川圖

咸平山

禹經圖

禹治水錄

漢志形法家山海經十三篇

唐志

隋志同

地理類郭璞

注二十三卷又圖讚二卷音二卷

舊唐志山海經十

八卷讚圖二卷音二卷郭璞撰 中興書目山海經十

八卷晉郭璞傳凡二十三篇每卷有讚按漢志十三篇

劉歆序云禹別九州任土作貢伯益等類物善惡著山

海經崇文目晁氏  
志十八卷

郭璞序曰東方生曉畢方之名劉

子政辨盜械之戶王頌訪兩面之客海民獲長臂之衣

精驗潛効絕代垂符此書跨世七代歷載三千雖暫顯

於漢尋亦寢廢總十八卷

本三萬九百十九字注二萬三百五十字總五萬一千二

百六十字 南山經第一西山經北山東山中山海外南海

外西海外北海外東海內南海內西海內北海內東大  
荒東大荒南大荒西大荒北海內經第十八臣秀言太  
常屬臣望所校山海經凡三十二篇今定為一十八篇  
劉歆所定書其南西北東及中山號五藏經為五篇其  
文最多海內海外大荒三經南西北東各一篇并海內  
經一篇總十八篇多者十餘簡少者二三簡遂為定本  
其卷後或題建平元年四月丙戌待詔太常屬臣望校  
治侍中光祿勲臣龔侍中奉車都尉光祿大夫臣秀領

主省 劉歆序曰山海經者出於唐虞之際禹定高山大川蓋與伯翳主驅禽獸命山川類草木別水土四嶽佐之以周四方逮人跡之所希至及舟輿之所罕到內別五方之山外分八方之海紀其珍寶奇物異方之所生水土草木禽獸昆蟲麟鳳之所止休祥之所隱及四海之外絕域之國殊類之人古文之著明者也孝武時東方朔言異鳥之名孝宣時臣父向對貳負之臣皆以是書朝士由是多奇山海經者可以考休祥變恠之物

見遠國異人之謠俗五藏山經五篇禹曰天下名山經  
五千三百七十山六萬四千五十六里居地也言其五  
藏蓋其餘小山甚衆不足記云天地之東西二萬八千  
里南北二萬六千里出水之山者八千里受水者八千  
里出銅之山四百六十七出鐵之山三千六百九十

吳越春秋禹行七年案黃帝中經見聖人所記曰九疑  
山東南天柱號曰宛委其書金簡玉字編以白銀稼其  
文禹登衡山夢赤繡文衣自稱元夷蒼水使者曰欲得

我山神書者齋於黃帝嶽岩之下禹退又齊三月庚子登宛委山發石取書案金簡玉字得通水之理復返歸嶽從三子乘四載以行川始於霍山徊集五嶽遂循行四瀆與益夔共謀行到名山大澤召其神而問之山川脉理金玉所有鳥獸昆蟲之類及八方之民俗殊國異域土地里數使益疏而記之名曰山海經使大章步東西暨亥度南北暢八極之廣旋天地之數論衡禹主治水益主記異物海外山表無遠不至以所聞見作山

海經董仲舒賈重常之鳥劉子政曉貳賀之尸皆見山

海經故能立二事之說 史大宛傳太史公曰至禹本

紀山海經所有怪物余不敢言之也 通典禹本記山

海經不知何代之書恢怪不經疑夫子刪詩書後尚奇

者所作或先有其書如詭誕之言必後人所加也若古

周書吳越春秋越絕書諸緯書之流是矣

水經云河出  
崑崙山出於

禹本記山海經云南入葱嶺及  
出於于闐南山出漢西域傳 後漢永平十二年賜

王景山海經注禹所作 漢志山海經十三篇劉歆所

校凡三十二篇定為十八篇固已不同尤袤定為先秦之書非禹及伯翳所作隋志漢初蕭何得秦圖書故知天下要害後又得山海經相傳以為夏禹所記水經注敘昔大禹記著山海周而不備引元中記穆天子竹書

及山海經皆埋縕歲久編韋稀絕書策落次難以緝綴

史通夏禹敷土實著山經漢張騫傳贊禹本紀言

河出昆侖言九州山川尚書近之矣至禹本紀山經所有放哉列子大禹行而見之伯益知而名之夷堅聞

而志之 書禹平水土主名山川 家語子夏曰商聞  
山書曰地東西為緯南北為經 吳都賦名載於山經  
形鏤於夏鼎 周禮疏案古山海經鄒書云驕虞獸說  
與毛詩同 惠帝紀注師古引貳負之臣地理志注引  
琅邪臺匈奴傳注引黃帝生苗龍列子注引大荒經文  
選注引東荒中山海南海外西山海外東經海內西經  
水經後漢書注王逸注楚辭天問多引之 左傳疏服  
虔用山海經又案神異經唐志神仙家東方朔神異經二卷張華注又十洲記一卷

載神仙珍異之迹別 本題云西王母及東方朔所說武

帝書而記之皆依託 張衡傳注引十洲記西南夷傳

注引開山圖神異經 唐志又有 矩威澤輿經一卷魏志云桓威

莊子釋文引海外

經爾雅釋文引山海經圖讚 颜之推曰山海經禹

益所記而有長沙零陵桂陽諸暨後人所羼非本文也

晁氏曰長沙零陵鴈門皆郡縣名又載禹鯀後人參

益之 杜預釋例曰天有列宿之號地有山川之名尚

矣與人倫並今其遺文禹貢及山海經載其大略而春秋經國邑之名又詳非書無以志古非圖無以志形坐

秋經國邑之名又詳非書無以志古非圖無以志形坐

乎堂宇之內瞻天下之廣居究古今之委曲可以行可以言可以鑑可以觀多識山川分野之別賢愚成敗得失之跡雖千載之外若指諸掌圖書之謂也論衡禹之治水以益為佐益之記物極天之廣窮地之長辨四海之外竟四山之表二十五國之地鳥獸草木金石水土莫不畢載淮南王地形之篇道異類之物外國之怪列三十五國之異案禹之山經淮南之地形以察鄒子之書虛妄之言也左傳夏之方有德也禹之世遠方圖

物注圖畫山川奇異之物而獻之貢金九牧鑄鼎象物

象所圖物著之於鼎百物

而為之備使民知神姦 吕氏春秋禹東至搏木之地

日出九津青羌之野攢木之所搨天之山鳥谷青海之

鄉黑齒之國南至交阯孫樸續構之國丹粟漆木沸水

漂漂九陽之山羽人裸民之處不死之鄉西至三危之

國巫山之下飲露吸氣之民積金之山共肱一臂三面

之鄉北至人正之國夏海之窮衡山之上犬戎之國夸

父之野禺疆之所積水積石之山不有懈墮 通典張

騫傳按古圖書名河所出曰崑崙古圖書即禹本記

初學記河圖曰禹既治水功大天帝以寶文大字賜禹

佩渡北海弱水之難 尚書中候禹自臨河河精授河

圖注云謂括地象也

刑德故曰禹長於地理得括地象圖故堯以為司空

中興

書目山海經圖十卷本梁張僧繇畫咸平二年校理舒

雅銓次館閣圖書見僧繇舊蹤尚有存者重繪為十卷

又載工侍朱昂進僧繇畫圖表於首僧繇在梁以善畫

著每卷中先類所畫名凡二百四十七種

其經文不全見崇文目

同舒雅修晁氏志圖十卷舒雅等撰或題曰張僧繇畫妄也漢志形法者大舉九州

之勢以立城郭室舍六家百二十二卷山海經為之首

書目又有圖十卷首載郭璞序節錄經文而圖其物

如張僧繇本不著姓名大禹治水元奥錄一卷不知作者叙禹貢治水本末南齊江淹欲為赤縣經以補山海之缺不成本朝李誠續山海經十卷見程俱集

禹受地記

三禮義宗見記類

周九畿籍

周禮大司徒制其畿疆而溝封之注千里曰畿 小司徒凡建邦國正其畿疆之封注九畿 封人掌為畿封而植之注畿上有封 大司馬以九畿之籍施邦國之政職方千里曰國畿 其外方五百里曰侯甸男采衛蠻夷鎮蕃畿注畿猶限也 自王城以外五千里為界有分限者九籍其禮差之書也 故書畿為近鄭司農云春秋傳曰天子一畿列國一同殷頌邦畿千里正義曰九畿

之籍謂以面五千里為九畿皆有典籍之書國畿據王畿內千里而言非九畿之畿但九畿以此國畿為本向外每五百里加為一畿也六服是中國之九州三服是夷狄之諸侯總號蕃服大行人云九州之外謂之蕃國九籍者諸侯賦貢多少有常則大國貢半次國三之一小國四之一是其禮差也注政職所共王政之職謂賦稅也云五千里

為界者兩面相距則方萬里堯舜未治洪水時五服各五百里兩面相距止有五千裡禹治水之後弼成五服服加五百

則亦萬里若孔君義則不然若據禹飛直路此周之九

服亦止五千若隨山川屈曲則禹貢亦萬里彼此不異

也

易氏曰九畿即職方氏之九服禹五服計一面之數周九服計兩面之數王畿與禹甸服同不言五百里

而兼言千里是計兩面之相距也

野廬氏掌達國道路至于四畿注去

王城五百里曰畿 職方氏辨九服之邦國 大行人

以蠻服為要服三服為蕃國 掌訏掌邦國之等籍

小行人各以其國之籍禮之 掌交諭九牧之維注九

州之牧 易氏曰大司徒所謂圖者周知九州地域廣

輪之數為建國分封之地職方氏所掌不特九州而已凡中國夷狄盡為九畿皆以圖而籍之故曰掌天下之圖又曰禹五服王畿在內王畿千里而兩面各五百里數其一面故曰五百里甸服自甸至荒皆數一面每面各五百里總為二千五百里兩面相距凡五千里職方氏所載則王畿不在九服之內自方五百里之侯服至方五百里之蕃服其名凡九九服每面各二百五十里通為二千二百五十里兩面相距通為四千五百里并

王畿千里通為五千五百里增於禹者五百里之蕃服耳然禹九州之外咸建五長東漸西被即成周蕃服之域其名雖增而地未嘗增也 孫氏曰禹制五服王畿與禹周分九畿而王畿不與九畿即九服也禹要荒周為采衛蠻禹侯綏周為侯甸男禹甸服周為王畿夷鎮藩則海外之國 書康誥侯甸男邦采衛 周官六服羣辟罔不承德六年五服一朝 周語祭公謀父曰先王之制邦內甸服邦外侯服侯衛賓服蠻夷

要服戎翟荒服甸服者祭侯服者祀賓服者享要  
服者貢荒服者王日祭月祀時享歲貢終王襄王  
曰先王規方千里以為甸服其餘以均分公侯伯  
子男使各有寧宇商頌邦畿千里肇域彼四海  
王制司空執度度地居民荀子周公履天下  
之籍注圖  
籍詩正義詩譜云周公致太平敷定九畿復  
夏禹之舊制成王用周公之法制廣大邦國之境而齊  
受上公之地更方五百里隋志周千里以制畿甸九

服以別要荒 大司馬疏九畿侯為天子伺候非常

職方

為王  
斥候甸為天子治田出賦貢男任王者之職事采採取

美物共天子衛為天子衛守

職方  
衛榮

蠻以近夷狄縻繫以

政教要者要束以文教

蠻與大司徒云要服一也宗  
大行人是要服大司徒無之當

考夷以夷狄得夷稱鎮去中國稍遠理須鎮守蕃最遠

故得蕃屏稱

在外為藩籬

行人蕃國世一見此三服也 職

方九服方千里曰王畿其外方五百里曰侯服

下並同  
司馬但

以畿作服

蕃作藩

周邦國志 四方志

方志

周禮春官小史

中士八人下士十六人

掌邦國之志注周志鄭書

之屬正義諸侯國內紀錄之事

隋志云其書蓋亦總為史官之職

外

史

上士四人中士八人下士十六人

掌四方之志注若晉乘楚檮杌魯

春秋

地官土訓

中士二人下士四人史二人

道地圖以詔地事

說地

圖九州形勢

山川所宜

道地恩辨地物以詔地求

王循守則夫王車

誦

訓中士二人掌道方志以詔觀事

說四方所識久遠之事若魯有大庭氏之庫藏之二

陵道方恩以詔辟忌知地俗

夏官訓方氏

中士四人道四

方之政事與其上下之志誦四方之傳道

世世所傳說往古之事

正歲則布而訓四方而觀新物

正義訓方氏訓四  
方美惡而言之

### 周四方地名

周禮夏官山師

中士二人  
下士四人

掌山林之名辨其物與利害

頒于邦國使致珍異之物

川師

中士二人  
下士四人

掌川澤之

名 遺師

中士四人  
下士八人

掌四方之地名辨其丘陵墳衍遼

隰之名物之可以封邑者注地名謂東原大陸之屬正

義禹貢有東原底平大陸既作是地名也 形方氏

中士

人注主制四方邦國之形體 大司徒辨其山林川澤  
丘陵墳衍原隰之名物注十等之名與所生之物以土會之法辨五地之物生

量人邦國之地與天下之涂數皆書而藏之注書地謂

方圓山川之廣狹書涂謂支湊之遠近 漢地理志周

定官分職改禹徐梁二州合於雍青分冀州為幽并王先之迹既遠地又數易改

周書世俘解武王遂征四方凡服國六

百五十有二 賈捐之曰武丁成王殷周之大仁也地

東不過江黃西不過氐羌南不過蠻荆北不過朔方是

以頌聲並作 晉志成王改禹貢徐梁入青雍冀野析  
幽并職方掌天下之土保章辨九州之野 左傳自夏  
以后稷魏駘芮岐畢吾西土也及武王克商蒲姑商奄  
吾東土也巴濮楚鄧吾南土也肅慎燕亳吾北土也吾  
何迺封之有 水經注圖稱曰昔天子建國名都或以  
令名或以山林故豫章以木氏都酸棗以棘名邦穆天  
子傳天子自崑山入于宗周萬里西土之數自宗周瀍  
水以西北至于河宗之邦陽糸之山三千有四百里自

陽紓西至河首四千里合七千四百里京相璠著春

秋地名

璠與裴司空彥李修晉  
輿地因作春秋地名

爾雅釋地九州十數

八陵九府五方野四極釋丘丘厓岸釋山釋水水泉水

中河曲九河

從釋地已下至九  
河皆禹所名也

孔子作春秋虎牢不

係鄭沙麓不係晉緣陵不係杞楚丘不係衛蓋別天子  
之守地也

周公職錄 九州志 九丘

孔安國書序九州之志謂之九丘丘聚也言九州所有

土地所生風氣所宜皆聚此書也楚左史倚相能讀九  
丘孔子述職方以除九丘正義左傳或謂之九區賈逵  
曰九州亡國之戒馬融云九州之數也 禹貢禹別九  
州釋文周公職錄云黃帝受命風后受圖割地布九州  
鄭子曰中國為赤縣內有九州春秋說題辭州之為言  
殊也又見上 易氏曰周基王業而東南先服王化故首  
九州而言功之所自始 劉敞曰九共九篇共當作丘  
古文丘與共相近故誤傳以為共耳按小序九丘者乃

所謂方設居方別生分類者也九州殊土異俗各因其性順其舊而教擾之故為九篇篇言一州也孔安國為隸古定書不知丘字誤為共遂肆臆說云述職方以除九丘按職方氏之書一官所守耳周禮出於周公仲尼未嘗刪述而云除九丘乎禹貢所言形質也九丘所言情性也惜此書之亡不及見有虞氏之明德也 尚書大傳古之處師八家而為鄰三鄰而為朋三朋而為里五里而為邑十邑而為都十都而為師州有十二師焉

鄭玄注曰州凡四十三萬二千家此蓋虞夏之數也顧野王云此堯時制

周度邑篇 作洛篇

汲冢周書序武王平商維定保天室規模伊洛作度邑周公既誅三監乃述武王之志建都伊洛作作洛 度邑解第四十四維王尅殷國君諸侯乃厥獻民九牧之師見王于殷郊王乃升汾之阜以望商邑云王曰自洛汭延于伊汭居陽無固其有夏之居有夏之居即河南也我南望

過于三塗我北望過于有嶽丕顧過于河宛瞻延于伊  
洛無遠天室其名茲曰度邑 作雒解第四十八周公  
俘殷獻民遷于九畢俾康叔宇于殷俾中旄父字于東  
乃作大邑成周于土中城方千七百二十丈郭方七百  
里南繫于洛水地因于邙山以為天下之大湊制郊甸  
方六百里國西土為方千里分以百縣縣有四郡郡有  
關鄙大縣立城方王城三之一小縣立城方王城九之  
一乃設丘兆于南郊以上帝配后稷日月星辰先王皆

與食建大社于周中其壝東青土南赤西白北驪中央

黃將建諸侯鑿取其方一面之土苞以黃土苴以白茅

以為土封故曰受則土於周室乃位五宮大廟宗宮考

宮路寢明堂

五宮宮府寺也大廟后稷宮祖考廟也路寢王所居也

二咸有四阿反

坫重亢重郎常累復格藻棁設移旅楹憲常畫內階玄  
階堤唐山廣應門庫臺玄闌 左傳哀二年注引周書

作雒篇千里百縣縣有四郡 漢地理志注臣瓊引周

書度邑篇曰武王問太公曰吾將因有夏之居南望過

于三塗北瞻望于有河 史周紀注徐廣引度邑 文  
選曲水詩序注引度邑篇曰維王克殷自鹿至于丘中  
具明不寢 隋牛弘傳引作洛篇明堂咸有四阿孔晁  
注云云

漢水經

見山川

漢郡國地志 郡國書

隋志武帝時計書既上太史郡國地志固亦在焉而史

遷所記但述河渠其後劉向略言地域朱貢條記風俗  
班固因之作地理志其州國郡縣山川夷險時俗之異  
經星之分風氣所生區域之廣戶口之數各有攸敘與  
古禹貢周官所記相埒 雜傳類云後漢光武始詔南  
陽撰作風俗故沛三輔有耆舊節士之序魯廬江有名  
德先賢之贊郡國之書由是而作序贊並亡 水經注桑欽  
地理志曰溧水出高唐

漢山經水志

後西南夷論漢開四夷之境歛殊俗之附文約之所沾漸風聲之所周流幾將日所出入處也著自山經水志者亦略及焉張騫傳漢使窮河源其山多玉石采來

天子案古圖書名河所出山曰昆仑云

水經見後

山

海經

見前

漢方志十三州志揚雄州箴

後西域傳論甘英抵條支而歷安息臨西海以望大秦拒玉門陽闢者四萬餘里靡不周盡若其境俗物類川

河領障氣節涼暑梯山棧谷之道風災鬼難之域莫不

備寫至於佛道神化興自身毒而二漢方志莫有稱焉

唐志闕駟

後魏書有傳

十三州志十四卷

隋志十卷

南史梁

吳均著廟記十卷十二州記十六卷 菟文類聚有苗

恭十四州記 禹貢正義引十三州記 水經注引黃

義仲十三州記 漢地理志注師古引闕駟云

師古曰中古以

來說地理者多矣或解釋經典或撰述方志既為新異妄有穿鑿今並不錄 揚雄荆揚充

豫徐青幽冀并雍益交十二州箴著蜀王本紀蜀都賦

雄傳云 箴莫善  
於虞箴作州箴

漢陳留耆舊傳

隋志漢議郎園稱二卷

唐志云 園稱陳留風俗傳三卷 魏散騎郎蘇林

陳留廣舊傳一卷 東晉江敬陳留志

唐志云 人物志十五卷

選注水經注御覽引陳留風俗傳 高紀注臣瓊引陳

留傳

傳耆舊若韋氏四海

一卷 王基東萊

一卷 陳壽益部十四卷

卷 舊雜傳記二卷

習鑿齒襄陽

記五卷

傳先賢如魏明帝

海內

四

兗州徐州

各一

劉義慶徐州贊

九

范瑗交州

三

四卷

唐志

諸國清賢

一

晉白褒魯國

二

張方楚國贊

十二

魏周斐汝南

五

陳英宗陳留像贊

一

濟北

卷

廬江七賢

一卷

謝承會稽

七

鍾離岫會稽

後賢傳

記二卷

會稽先賢像贊

五

氏四卷

唐志賀吳陸凱吳國

四

張勝桂陽畫讚

五

零陵

一

郭

緣生武昌

唐志二卷

陸脩劉芳廣州

各七

高範荊州

三

仲長統山陽

一卷王羲度徐州

九

劉義慶讚

八

吳均吳郡

錢塘

五卷諸國

一

南齊崔慰祖著海岱志起太公迄西晉

人物為四十卷半未成 唐趙武孟著河西人物志十

篇 蜀志陳術著益部者舊傳及志 御覽引荊州先

德傳 選注引習鑿齒襄陽者舊傳記書目五卷載先

賢事迹及山川

地理末有賀鑄題疑記述無倫貫非全書云

### 淮南墮形訓

淮南子天地之間九州八極土有九山山有九塞澤有九薮風有八等水有六品何謂九州東南神州曰農土正南次州曰沃土西南戎州曰滔土正西弇州曰并土

正中冀州曰中土西北台州曰肥土正北濟州曰成土  
東北薄州曰隱土正東陽州曰申土 記曲禮疏案地  
統書括地象云地中央曰崑崙又云其東南方五千里  
曰神州以此言之崑崙在西北別統四方九州其神州  
者是崑崙東南一州耳於一州中更分為九州則禹貢  
九州是也 史記騶衍以為儒者所謂中國者於天下  
乃八十一分居其一分耳中國名曰赤縣神州赤縣神  
州內自有九州禹之序九州是也不得為州數中國外

如赤縣神州者九乃所謂九州也有裨海環之如此者九乃有大瀛海環其外

應劭地理風俗記

水經又東至鬱林注應劭地理風俗記曰周禮鬱人云一曰鬱人所貢因氏郡矣又曰日南故秦象郡 冠石山應劭地理風俗志曰武水出焉應劭地理風俗記云

河內殷國也周名之為南陽

魏土地記

水經注魏土地記曰縣有穀城山

又引魏書  
郡國志

舊唐志

魏諸州記二十卷

地說曰漢與江合于衡北翼際山

傍汚水東行過三澗合流

禹貢正義鄭玄引地記書

云三危之山在烏鼠之西南

正義引張氏地理記

益稷正義鄭玄引地記書曰崑崙山東南地方五千里

名曰神州

晉畿服經

齊地理書

梁地記

陳輿地志

隋區寓圖志

諸州國經集

皇甫士安  
地理書

隋經籍志晉世摯虞依禹貢周官作畿服經其州郡及

縣分野封略事業國邑山陵水泉鄉亭城郭道里土田

民物風俗先賢舊好靡不具悉凡一百七十卷今亡齊

陸澄聚一百六十家之說依其前後遠近編而為部謂

之地理書

隋志二百四十九卷澄合山海經已來一百六十家以為此書

唐志鄭基陸澄地理志

一百五十卷

隋志又有陸澄地理書抄二十卷南

史庚仲容東家地理書二十卷

遺注引劉澄之地理

書任昉又增陸澄之書八十四家謂之地記

志二百五十二卷又

書抄九卷

唐志同陳顧野王抄撰東家之言作輿地志三十卷

文選注

隋大業中詔天下諸郡條風俗物產地圖上于

引之

尚書故隋代有諸郡物產土俗記一百五十一卷區宇

圖志一百二十九卷

崔祖濬姚思廉修廣三尺從三丈  
三尺明九域山川之要究五方風

俗之宜 崔隋傳大業五年受詔與諸儒謨區宇圖  
志二百五十卷帝更令虞世基許善心行爲六百卷諸

州圖經集

唐志云隋

一百卷

郎蔚之撰郎茂

其餘記注甚衆

許善心撰方

物志二十卷

今任陸二家所記之內而又別行者各錄

在其書之上自餘次之於下陸澄書見存別部自行者

唯四十二家

山海經水經黃圖

洛陽記二洛陽宮殿簿洛城圖連征記西征記

婁地記 風土記 吳興記 吳郡記 京口記

南徐州記 會稽土地記 會稽記 隋王入沔記

荊州記 神壞記 豫章記 蜀王本紀 三巴記

珠崖傳 陳留風俗傳 郡中記 春秋土地名 衡

山記 遊名山志 聖賢冢墓記 佛國記 遊行外

國傳 交州以南外國傳 十洲記 神異經 異物

志 南州異物志 故事 湘州記 吳郡記 日南傳 江記 漢水記

蜀志 發蒙記 任昉書見存別部行者唯十二家三輔

居名山志 西征記 廬山南陵雲精舍記 永初

山川古今記 元康三年地記

司州記 并帖省置諸郡舊事

地理一百三十九部

一千四百三十二卷通計亡書合一百四十部一千四

百三十四卷 隋地理志大凡郡一百九十縣一千二

百五十五 姚思廉傳 詔與崔祖濟修區寓圖志 崔

贊傳 詔問何處有羊腸坂 贊曰漢地理志上黨壺關帝

曰不是又曰皇甫士安撰地理書太原北九十里有之

帝曰是也

志又有劉黃門  
地理書抄十卷

郎茂傳

字蔚

撰州郡圖經

一百卷奏之賜帛三百段以書付祕府 唐志虞茂區

宇圖一百二十八卷顧野王輿地志三十卷 地理志

書鈔十卷雜地志五卷

失姓  
名

晉太康地記

唐志晉太康土地記十卷太康州郡縣名五卷

舊唐志並太康

三年 摂 前漢梁王傳地理志師古注史記正義引晉太

康地記史索隱引太康地理志選注引太康地志元康

地記後漢志注水經注引晉地道記吳志注引太康三

年地記宋書州郡志引晉太康地志王隱地道後漢志

注禹貢正義引張氏地理記史記注引晉太康地記龍

淵水 梁陶弘景著古今州郡記

晉交廣二州春秋

吳志注晉太康八年廣州大中正王範上交廣二州春秋  
唐志王範交廣二州記一卷 水經注引王氏交廣春秋  
中興書目廣東會要四卷治平中知廣州王靖撰載十六郡四十一縣地里事實廣西會要二卷治  
平中知桂州張田撰載二十九郡及羈縻化外諸蕃山川地理

晉闢中記

中興書目闢中記一卷晉葛洪撰載長安山川及宮殿

陵廟

唐志云潘岳撰文選注引之

唐志葛洪西京雜記二卷

文

選注引雍州圖經

程大昌雍錄十卷

晉風土記

隋志晉平西將軍周處撰風土記三卷

唐志十卷文選注引之

晉地道記

水經注引王隱晉書地道記又引樂資九州志太康地道記  
詩正義引晉書地道記隋志元康三年地道記六卷後魏地形志晉又一統地道所載又其次也

史記正義引徐才宗國都城記 藝文類聚引苗菴十

四州記曰秦以公國為大郡侯伯為小郡大郡曰守小

郡曰尉

齊山川古今記

隋志永初山川古今記二十卷齊都官尚書劉澄之撰  
唐志同又司州山川古今記三卷

隋地形志

高祖令庾季才與其子質撰垂象志一百四十二卷地

形志八十七卷 經籍志五行類八十卷季才撰 隋  
大業拾遺曰大業初勅秘書學士十八人修十郡志虞  
世基總檢先令學士各序一郡風俗據奏請體式付世  
基擇善用之乃鈔吳郡序爲體式及圖志第一副本新  
成八百卷奏之帝以郡帙太少重修成一千二百卷卷  
頭有圖別造新樣紙卷長二尺敍山川則卷首有山水  
圖敍郡國則有郭邑圖敍城隍則有公館圖其圖上山  
水城邑題書字極細並用歐陽肅書

唐括地志 坤元錄 河圖括地象

見上

魏王泰善屬文即府置文學館得自引學士貞觀十二年奏撰括地志引著作郎蕭德言秘書郎顧肩記室蔣亞卿功曹謝偃蘇勗撰次衛尉供帳光祿給食分道計州繙緝疏錄凡五百五十篇歷四期成詔藏祕閣賜物萬段 志五百五十卷泰命德言等五人撰又序略五卷 會要貞觀十五年正月三日上

通鑑十六年  
正月乙丑上

史

記正義多引之 太宗詔曰博采方志得於舊聞旁求

故老考於傳信內殫九服外極八荒簡而能周博而尤  
要度越前載垂之不朽 宋爰仕魏王與謝偃撰括地  
志 中興書目坤元錄十卷泰撰即括地志也其書殘缺 通典引之

文選東都賦注引括地圖

唐貞元十道錄 華夷圖 古今郡國縣道  
四夷述 九州別錄 郡國別錄 吐蕃黃

河錄

賈耽傳嗜觀書尤悉地理四方之人與使夷狄者見之

必從詢索風俗故天下地區產山川夷岨必究知之

方吐蕃盛強盜有隴西州縣遠近有司不復傳耽乃繪

布隴右山南九州具載河所經受為圖又以洮湟甘涼

屯鎮領籍道里廣狹山險水原為別錄六篇河西戎錄

四篇貞元十四年上之

會要十四年十月左僕射賈耽  
撰郡國別錄六卷通錄四卷

德宗賜幣馬珍器又圖海內華夷一軸廣三丈從三丈

三尺以寸為百里并誤古今郡縣道四夷述

四十卷

其中

國本之禹貢外夷本班固漢書古郡國題以墨今州縣

題以朱列落疏舛多所釐正貞元十七年十月上之紀舊

辛未會要上海內華夷圖一軸  
并序古今郡縣四夷述三十卷

帝善之賜予加等或

指圖問其邦人咸得其真又著貞元十道錄以貞觀分  
天下隸十道在景雲為按察開元為採訪天寶以州為  
郡乾元復郡為州廢置升降備焉 志賈耽古今郡國  
縣道四夷述四十卷關中隴右山南九州別錄六卷貞  
元十道錄四卷吐蕃黃河錄四卷 會要會昌三年黠  
戛斯遣使來朝莫詳更改之名中旨訪求唯賈耽所撰

四夷述具載其號然後知耽之通習 權德輿作貞元  
十道錄序云自夏書禹貢周官職方漢志地理厥後史  
臣繼有其書相國魏國公以為言區域者未備於是獻  
海內華夷圖一軸古今郡國縣道四十卷盡瀛  
海之地窮鞮譯之詞陳農不獲之書朱贛未條之俗貫  
穿切劘靡不詳究又撮其要會切於今者為貞元十道  
錄四卷首篇自貞觀初以天下諸州分隸十道隨山河  
江嶺控帶糾直割裂經界而為都會云六典地域之差

次四方貢賦之名物廢置升降提封險易皆備于編又  
考述疆理以正繆誤采獲要害而陳開置大凡十有二  
條凡今三十一節度十一觀察與防禦經略以守臣稱  
使者共五十列於首篇之末其三篇則以十道為準縣  
距州州距兩都書道里之數與其四鄙所抵其事覈其  
言詳 賈耽碑云通夷裔之風俗盡山川之險易歷代  
沿革之自百王廢置之由關塞通塞之因牧圉盛衰之  
異道程疎密之準要荒壤獻之數聚米畫地成於指掌

興元元年詔撰國圖貞元十四年先獻關中隴右及山  
南九州等圖又撰別錄六卷吐蕃黃河錄共四卷優詔  
褒異賜馬一匹銀器錦綵十七年冬撰海內華夷圖成  
并撰古今郡國縣道四夷述四十卷貞元十道錄四卷  
賜馬兩匹銀器錦綵又內出銀榼二蓋殊渥也

唐皇華四達記 西域圖

見後

志賈耽地圖十卷又皇華四達記十卷貞元十四年上  
載驛程遠近 中興  
目亦同 崇文目同 地理志唐置羈縻諸州皆傍塞

外或寓名於夷落而四夷之與中國通者甚衆若將臣所征討勅使所慰賜宜有以記其所從出天寶中玄宗問諸蕃國遠近鴻臚卿王忠嗣以西域圖對纔十數國見後其後貞元宰相賈耽考方域道里之數最詳從邊州入西夷通譯于鴻臚者莫不畢紀其入四夷之路與關

戊走集最要者七一曰營州入安東道二曰登州海行入高麗渤海道三曰夏州塞外通大同雲中道四曰中受降城入回鶻道五曰安西入西域道六曰安南通天

竺道七曰廣州通海夷道其山川聚落封略遠近皆槩舉其目州縣有名而前所不錄者或夷狄所自名國史志地理名家者賈耽世之所傳有皇華四達記餘多殘缺元和志引賈耽古今述

唐郡國志 十道志 地理志

志劉之推文括九州要略三卷郡國志十卷 孔述睿傳為史館修撰重次地理志本末最詳 中興書目郡國志二卷曹大宗撰始於關內終於嶺南章瑾域中郡

國山川圖經一卷始闢內終劖南據郡縣山川為之圖  
唐太府少卿梁載言十道四蕃志十卷以十道為本而  
以州縣圖志附列其下 十道圖見上 南唐徐鍇等撰  
方輿記一百三十卷本傳云百二十卷 紀郡國事跡及程塗遠  
近甚詳 唐志梁載言十道志十六卷崇文目十三卷 寰宇

記引唐開元十道要略 鬼氏志十道志十三卷所載  
頗詳博其書多稱咸通中沿革載言蓋唐末人 開元  
十道圖其山川所分貢賦所出得禹貢別州任土之制

今載六典 唐新集地理志九卷 李吉甫徐鍇樂史  
諸書雖詳略不同大抵皆相因

唐元和郡縣圖志

唐志著錄是書為五十四卷會要折而兩之一曰州縣  
郡國志三十卷一曰郡國圖其卷與新志同皆冠以元  
和三者不相似今所刻凡四十卷目錄二卷 會要元  
和八年二月辛卯宰臣李吉甫撰元和州縣郡國圖三  
十卷百司舉要一卷上之又嘗綴錄東漢魏晉元魏周

隋故事記其成敗損益為六代略三十卷又分天下諸

鎮絕域山險各寫其圖於篇首為五十四卷號元和郡

國圖

舊史同

志李吉甫元和郡縣圖志

會要無志字

五十四

卷又十道圖十卷古今地名三卷

舊史二月辛卯吉甫  
上元和郡圖三十  
卷十道圖五十四卷六代畧三

十卷

志又有刪水經十卷

吉甫序曰臣上元和

國計簿審戶口之豐耗續撰元和郡縣圖志辨州域之

疆理豈欲希鄼侯之規摹庶乎盡朱贛之條奏國家自

貞觀至開元兼夏商之職貢奄秦漢之文軌梯航繫乎

九譯廐置通乎萬里分疆置吏差貢賦制名物守其要  
害險其走集經理之道冠乎百王然聖人雖設險而未  
嘗恃險施於有備之內措於立德之中其用常存其機  
不顯弛張開闢因變制權古今言地理者數十家於兵  
餉山川攻守利害畧而不書此微臣所以精研聖后所  
宜周覽也 中興書目自京兆府至隴右道凡四十七  
鎮每鎮皆圖在篇首冠於敘事之前今本四十卷并目  
錄共四十二卷圖闕題為郡縣圖志 淳熙二年五月  
程大昌為序三年十一月洪邁為

五海

後序

吉甫又上河北險要圖又言漢伐公孫述晉伐李

勢宋伐燕縱梁伐劉季連蕭紀凡五攻蜀繇江道者四  
為相歲餘凡易三十六鎮

方趙公為相強藩悍帥狃貞

元餘習擅地自予朝廷莫敢  
訶而能以期年易三十六鎮魏由李安病請以滑任薛  
平戍重兵邢洛因圖上河北險要憲宗張於洛堂門壁  
每歎曰朕日接圖信如柳料則所著書蓋  
已見之行事矣豈直區區紙上語而已哉

吉甫再相

蓋元和六年此志自載其所嘗建白者二事改復天德

舊城則在八年更置宥州於經略軍則在九年憲宗

經略諸鎮吉甫實贊成之其於河北淮西悉嘗圖上地

形坐覽要害，喻定策畫圖之助多也。

後三百六十有三  
年刻板于襄陽

唐家郡縣疆境方面險要必熟。按圖籍言之最為可據。  
國史志元和郡國志四十卷。

唐東都記

志鄧行儼東都記三十卷

貞觀著  
作郎

鄧世隆東都記三十

卷章機二十卷。舊史鄧世隆採隋代舊事撰東都記。

三十卷

唐兩京新記

志晉潘岳關中記一卷葛洪西京雜記二卷陸機洛陽

記一卷戴延之洛陽記一卷後周薛寘西京記三卷後

魏洛陽記五卷鄧世隆東都記三十卷又有鄧行儼  
貞觀著作郎章

機東都記二十卷韋述兩京新記五卷兩京道里記三

卷書目不  
知作者

書目新記韋述開元中撰西京始於開皇

東都起於大業皇朝宋敏求演之為長安志十卷河南

志二十卷元豐三年永興守呂大防案長安都邑城市

宮殿故基為圖

元豐中王正倫撰古  
今洛城事類二卷

南史梁蕭賁著

西京雜記六十卷 隋諸葛頴洛陽古今記一卷宇文  
愷東都圖記二十卷 唐韋述為兩京記宋敏求演之  
為河南長安志凡其廢興遷徙及宮室城郭坊市茅舍  
縣鎮鄉里山川津梁亭驛廟寺陵墓之名數與古先之  
遺迹人物之俊秀守令之良能花卉之殊尤靡不備載  
考之韋記其詳十餘倍真博物之書也長安志二十卷  
熙寧九年二月五日趙彥若序河南志二十卷元豐六年  
二月戊辰司馬光序 東京記三卷

唐山河地名要略

處分語

志章澳諸道山河地名要略九卷

一名處分語 一名新集地理書 崇文目

國史志同 本傳為學士時宣宗常曰朕遣方鎮刺史欲各

悉州郡風俗鄉為撰一書

大中九年令澳纂次諸州境土風俗及諸利害為一書

澳乃取十道四方志手加紬次題為處分語後鄧州刺

史薛弘宗中謝帝敕戒州事人人驚服

出謂澳曰上處分驚人皆處分

語中事也

唐須知國鏡

書目二卷唐左武衛兵曹曹璠撰璠案六典戶部十道

纂及採諸節府賦稅戶額物產京畿文武百官俸給以至岳瀆山川四夷八蠻並撮其機要使覽者纖毫無遺

隋志梁地鏡圖六卷

御覽引  
地鏡圖

唐洽聞記

晁氏志鄭常三卷雜記郡國舊事

唐華陽風俗錄

志張周封一卷

李德裕  
從事

志有揚雄蜀王本紀一卷焦周三巴記一卷李充益州記三卷

唐地理六十三家

志史錄十三曰地理類始於三輔黃圖終於劍南地圖  
六十三家一百六部一千二百九十二卷失姓名四十一家六

典山海經等一百三十九部一千四百三十二卷隋志  
通計亡書合一百四十部一千四百三十四卷舊志  
九十三部一千七百八十二卷 地圖則有三輔黃圖

洛城圖區寓周地圖隋圖經集記地域方丈圖方尺圖  
潤州圖注職貢圖湘州圖記江圖長安開元十道圖終  
於薊南地圖地志則有三輔舊事漢宮閣洛陽宮殿簿  
西京雜記西京關中洛陽記地理志地記雜記雜地志  
書鈔職方記太康地記郡縣名諸州風土記陳留風俗  
傳蜀王本紀三巴益州荆南雍充徐京口豫章東陽潯  
陽齊州吳齊鄴中徐荆南交廣中岳穎秣陵湘州京邦  
吳會丹陽十國都城國都城記西河舊事十三州輿地

志終於東都記括地志序略述山川則有山海經圖讚音水經四海百川水源江漢水尋江源永初宜都山川記述異物則有臨海交州南州扶南涼州京兆諸郡土俗物產及陳祈暢之志述征行則有廟記輿駕東幸循撫揚州西征述征述行入汚聘使行記及聖賢冢墓之記述異域則有魏國以西十一國南越西域道里赤土國中天竺游行外國歷國日南林邑真臘交州以來外國高麗西南蠻入朝首領記及高麗風俗之書不著錄

者自李播方志圖至徐雲度南詔錄五十二家九百八十九卷若方志元和郡縣諸道行程與賈耽地圖此以圖名者也若古今地名十道皇華四達古今郡國縣道四夷述九州別錄十道錄諸道山河要略九州要略郡國志東都兩京戎州鄴城記鄴都故事成都益州記太原事迹華陽風俗吳興零陵北戶雜錄九江諸宮閨中桂林此以記志錄略名者也述山川則刪水經與黃河之錄九嶧嵩廬之記紀征行則兼吳行役之記載異物

則南方嶺南與錄異之書記異域則西域新羅渤海戴  
斗諸蕃雲海南諸蕃北荒君長四夷及黠戛斯朝貢  
圖傳璽書南詔錄

太平興國修江表事跡

三年正月己酉命湯悅徐鉉王克正張洎同修江表自  
楊行密以來事跡

太平寰宇記

書目直史館樂史撰凡二百卷載天下州郡圖志所著

古今事跡太平興國中天下一統史取自古山經地志

考正訛謬纂成此書上之始於河南道終於四夷又有

總記傳一百三十卷坐知天下記四十卷掌上華夷圖

一卷 樂黃目著聖朝郡國志二十卷

至道江左記

書目三卷至道中張參撰載江左人物守宰寺觀州郡

等事

景德地理記

四年二月己巳次西京乙亥七日命侍講學士邢昺侍讀

學士呂祐之龍圖待制杜鎬戚綸陳彭年編集車駕所

經地理古跡以聞祥符元年八月乙巳曷等纂成三十

卷一本云六十卷目曰景德朝陵地里記詔褒之又嘗命官撰

兩京記不及成書景德二年龍圖閣書目地理四百

二十一卷崇文總目地理八十三部八百四十七卷

始於山海經終於雲南風俗記

祥符土訓錄

三年十二月癸酉御史知雜事趙湘言車駕祀汾陰請

依周禮置土訓誦訓

地官土訓中士二人下士四人史二人誦訓中士二人下士四人史

二人注土訓謂訓說土地善惡之勢誦訓能訓說四方所誦習及人所作為久時事錄所經州縣

山川古跡風俗繼日聞奏以資宸覽從之四年正月戊

子命直集賢院錢易直史館陳越秘閣集賢校理劉筠

宋綬修所過圖經每頓進一卷賜名土訓纂錄

詳見上

晏

殊亦預修土訓二月甲寅湘為考制度副使

馮起為使

宋

綬傳云集所過地志風物故實每舍止即奏方岳志

五十卷晏殊等撰

天禧梁益記

書目天禧中任升

晁氏志  
云任升以蜀書有數家皆穿鑿誕妄

於是刪次十卷 成都記五卷唐大中中盧求總載成

都所管十八郡及羈縻州道里遠近事跡乾德中杜光

庭續成都記一卷

天聖海潮圖論

吳嚴畯潮水論唐盧肇海潮賦圖

書目  
一卷

天聖中燕肅知

明州為海潮圖著圖論二篇 書目謝頤素海潮圖論  
一卷論進退大小之候 寶叔蒙海濤志一卷 木玄  
虛海賦 庾闐張融亦有賦 余靖有海潮圖序 潘  
洞浙江論一卷丘光庭海潮論一卷 崇文目小說有  
海潮論一卷記一卷潮說會最三卷張君房 卢肇云潮  
之生因乎日盈虛係乎月日月之運知海潮之道 枞  
乘云朝夕之池 郭璞江賦呼吸萬里吐納靈潮自然  
往復或夕或朝 海潮之說或謂天河激涌葛洪  
潮說亦云

地機翕張

洞真經

盧肇

以日激水而潮生封演云月周

天而潮應挺空入漢山涌而濤隨

僧隱之言

折水大梁月行

而水盛

寶叔蒙海濤志

潮附於日依於月盈於朔望消於朏魄

虛於上下弦息於朏胸故有小大焉惟浙江夾岸有山

南曰龕北曰赭

二山相對謂之海門岸狹勢逼涌而為濤

皇祐地理新書

唐地經

隋庾季才撰地形志八十七卷 唐志五行類呂才大

唐地理經十卷

貞觀中上

一行五音地理經十五卷

書目云地里經

初真宗朝史序等撰乾坤寶典四百五十篇其三十

篇地理也其書叢謬景祐三年六月己酉命嵇頴胡宿

重校陰陽地理書五年而畢司天少監楊惟德等別修

三十篇賜今名皇祐五年

書目云  
三年

正月癸亥

一本  
甲戌復

命知制誥王洙提舉修纂地理圖書直集賢院掌禹錫

著作劉羲叟刪修嘉祐元年十一月書成三十卷上之

賜名地理新書賜洙等器幣書目形法類凡三十卷

首以城邑營壘府寺郵傳市宅衢街為地事二十篇次

以冢穴埏門道陌頃畝為葬事十篇地圖一篇目錄一

卷成三十二卷

圖一  
一篇今不存  
漢志形法六家百二  
十二卷有宮室地形二十卷大舉九州

之勢以立

城郭室舍

### 熙寧九域志

四年二月甲戌命趙彥若考圖籍畫天下地圖六年十

月甲午一云戊戌上十八路圖二及圖副二十卷八年七月

十一日辛丑詔三館秘閣刪定九域圖以都官員外郎

劉師旦言今九域圖自大中祥符六年修定至今涉六

十餘年州縣有廢置名號有改易等第有升降所載古  
迹有出於俚俗不經者乞選有地理學者重修乃命集  
賢校理趙彥若館閣校勘曾肇充刪定官彥若辭復命  
光祿丞李德芻刪定而知制誥王存審其事既而上言  
以舊書不繪地形難以稱圖更賜名九域志壞地之離  
合戶版之登耗名號之升降鎮戍城堡之名山澤虞衡  
之利皆著于書始四京終化外州道里廣輪之數昔人罕得其  
詳今一州之內首敘州封次及旁郡彼此互舉弗相混

清總二十三路京府四次府十次州十州二百四十二  
軍二十七監四縣一千一百三十五為十卷

曲阜集  
有進表

會要元豐三年閏九月延和殿進呈六年閏三月詔鑄

八年八月頒行十卷

熙寧都水名山記 政和郡國人物志

職方機  
要輿

地廣

記

熙寧八年七月四日甲子右諫議沈立上都水記二百

卷名山記一百卷

詔獎之

書目職方機要四十卷大觀

中晉原丞程縝撰續案新舊九域二書上據歷代諸史  
地志旁取左傳水經注釋并通典言郡國事采異聞小  
說綑次為書 輿地廣記三十八卷政和中歐陽忞撰  
考摭史傳及山經地志為三十八篇 政和元年漢州  
教授陳坤臣進郡國人物志一百五十卷四月十七日  
詳定九域志何志同言其書包括千載文婉事詳詔藏  
秘府宣和三年十一月二十四日乙酉修汴都志從太常博士范子奇之言也 詔鄭居中提領修纂子奇及祕書丞李鍾編

類 趙瞻知威州以威茂雜夷獠險甚而難守不若合之而建郡汶川因條著其詳為西山別錄一卷熙寧中經畧西南取其書考焉

熙寧成都古今集記

三十卷熙寧中趙抃再守成都延博識之士參攷衆書述其郡邑山川都城邑郭府寺宮室之詳分百餘門

抃自

慶歷至熙寧  
凡四入蜀

元豐郡縣志

元豐三年十月辛酉詳定官制所檢討文字光祿寺丞  
李德芻上元豐郡縣志三十卷圖三十卷 紹聖四年  
九月十七日兵部侍郎黃裳言今九域志所載甚略願  
詔職方取四方郡縣山川民俗物產古跡之類輯為一  
書補綴遺缺詔祕省錄山海經等送職方檢閱大觀二  
年四月二日詳定九域圖志强淵明上言續修其書詔  
四方以事來上宣和罷書  
局不及成

元豐土貢錄

書目一卷元豐中翰林學士李清臣同樞密副都承旨  
張誠一撰先是清臣詳定朝會儀注所承詔稽案圖誌  
推原物產凡輕重多寡為條次開列上之 治平四年

四月壬申神宗出諸州貢物名件自漳州山薑花至同  
州榅桲凡四十三州七十種手詔曰四方入貢雖云古  
禮考之禹制未有若茲之繁今一郡歲有三四而至者  
自今其悉罷之景德四年閏五月詔大抵相似宋祁撰劍南方物略圖

贊一卷

紹興歷代疆域志

十六年九月六日撫州布衣吳灝上宇內辨歷代疆域志各十卷詔免解余嘉進聖域記二十五卷以本朝州縣沿革山川風物及古今守備之處彙書之

紹興海道圖

二年五月辛酉樞密院言據探報敵人分屯淮陽軍海州竊慮以輕舟南來震驚江浙緣蘇洋之南海道通快可以徑趨浙江詔兩浙路帥司速遣官相度控扼次第

圖本聞奏癸未中丞沈與求言海舟自京東入浙必由  
泰州石港通州料角陳貼通明鎮等處次至平江南北  
洋次至秀州金山次至明州向頭又聞料角水勢湍險  
儻於石港料角等處拘收水手優給庸直而存養之以  
待緩急之用彼亦安能衝突七月甲申呂頤浩言近置  
沿海制置司最為得策然敵舟從大海北來拋洋直至  
定海此浙東路也自通州入料角放洋至青龍港又沿  
流至金山村海鹽縣直泊臨安府江岸此浙西路也望

令仇悆專管淮東浙西別除一員專管浙東福建路從

之建炎元年八月何洋召對獻河防守禦圖言利害

五十一年甲申補廸功郎太平御覽引吳時緣江戍

圖隋志江圖張氏一卷劉氏一卷禹貢釋文引張

須元緣江圖

紹興春秋地名譜

書目十卷紹興中鄭樵撰凡分類國邑地六山一水六  
為敘十釋例地名譜一卷據天下郡國縣邑冠以春

秋盟會地名不知作者 掌禹錫著郡國手鑑一卷

淳熙九丘總要

三百四十卷先是王日休

新池州守

上二十卷詔寧國府給

札寫之六年七月進八月八日詔遷秩

郡邑廢置地理遠近人物所聚

古迹所在物產所宜該載詳備名為正舊所名者隨聲韻編次附之卷末

崇文總

目方輿記一百三十卷

徐鍇

自翠華南狩輿地之登于

職方者東薄明粵南斤瓊崖西盡岷嶓北極淮漢僅當

舜十二州之三漢十三部之四晉十九州之七 祖宗

務廣德不務廣地初開并門匪疚匪棘北棄幽都西捐  
朔方四夷左衽罔不咸賴

三代地理志

崇文目六卷 新集地理志九卷

禹貢疆理廣記

易祓編六卷為之說

春秋二十國年表

中興書目左氏春秋二十國年表一卷紹興中環中撰

由周魯而下二十國又春秋列國臣子表十卷

春秋類

州名急就章

歐陽修

闕

禹貢甸侯綏服謂之中國要荒謂之夷蠻中國之地方  
廣不過三千里聖人務廣德不務廣地 際天接地咸  
盡賓服 鄒衍所不議方朔所難紬 烏策篆素玉牒  
石記 東枕蟠木南控丹穴西瞰大蒙北薄祝栗 西

厭月蝕東震日域 扶桑戴斗之區度索尋撞之國

上仁所不化茂德所不綏 南踰銅柱西亘金河北彌

狼望東越鯢波 鄒衍環海之談倚相九丘之要 分

道而錄竊慕魏泰之坤元三載而成頗愧野王之輿地

作九州箴揜神禹底平之迹表萬里道過開元全盛

之時 皆聚此書如指諸掌必才兼倚相九丘風土以

周知非學至揚雄諸國方言之孰正 潴者訪產搜籍

索圖 王母之國孺亥之筭 地理之最莫功於圖書

周官職方氏掌天下之圖周知利害沛公入關蕭何收  
秦圖籍具知阨塞光武與鄧禹論天下郡國亦披輿地  
圖乃克見不出戶庭而九州萬里在吾目中如策馬并  
轡振衣絜領自始基之艱奄有之漸功名纖悉俾一  
過前而輒不忘于心蓋神禹氏別九州而為書有典則  
以貽子孫者也方春秋時大皞之後猶有任宿須句  
穎臾四國存而少皞之祀莒鄭實司之至於戰國獨任  
僅見於孟子之書管子凡天下名山五千二百七十

出銅之山四百六十七出鐵之山三千六百有九 河  
圖括地象曰八極之廣東西二億三萬三千里南北二  
億三萬一千五百里夏禹所治四海內地東西二萬八  
千里南北二萬六千里 尸子曰天左舒而起牽牛地  
右闢而起畢昴 三禮義宗天有十二次日月所經地  
有十二分王侯所國



玉海卷十五

欽定四庫全書

子部

王海卷十六

詳校官中書臣程 炎

主事臣祁韻士覆勘

總校官進士臣朱 鈴

校對官編修臣朱 攸

謄錄監生臣勵世馨

欽定四庫全書

玉海卷十六

宋 王應麟 撰

地理

異域圖書

漢別國方言

唐志小學類揚雄十三卷

隋志同  
郭璞注

風俗通義曰為政

之要辨風正俗最其上也周秦常以歲八月遣轎軒之

使求一作采異代方言還奏籍之藏於秘室及羸氏之亡

遺脫無見之者蜀人嚴君平有千餘言林間翁孺才有梗概之法揚雄好之天下孝廉衛卒交會周章質問以次注續二十七年爾乃治正凡九千字其所發明猶未若爾雅之閨麗也張竦以為垂諸日月不刊之書晁氏志方言十三卷雄齋油素問上計孝廉異語悉集之題其首曰輶軒使者絕代語釋別國方言書目十四卷題輶軒使者絕代語釋別國方言劉歆與雄書

取方言及雄答皆云十五卷今本疑有亡軼 雄為郎  
一歲作繡補靈節龍骨之銘詩三章及天下上計孝廉  
雄問異語紀十五卷積二十七年成帝時劉子駿與雄  
書曰聞子雲獨採集先代絕言異國殊語為十五卷非  
澹雅之才沈鬱之思不能經年銳精以成此書雄答書  
曰常聞先代輶軒之使奏籍之書皆藏於周秦之室蜀  
人有嚴君平臨邛林間翁孺者深好訓詁 郭璞序三  
五之篇著而獨鑒之功顯不出戶庭而坐照四表不勞

疇咨而物來能名考九服之逸言標六代之絕語真洽見  
之奇書不刊之碩記也 選注引揚雄蜀王本紀曰蜀  
之先名曰蠶叢柏濩魚鳧開明是時人民椎髻左言  
張衡傳注引方言荀子注引方言 子雲精於小學多  
見先秦古書故方言多識奇字太玄多奇語 本傳及  
蓀文志無方言 後魏書劉畊字延明著方言三卷

漢異物志

隋志東方朔十洲記一卷

唐志神仙家文選注引之

神異經一卷

張華

注 後漢文選注引之 後漢議郎楊孚撰異物志一卷

崇文目唐志二卷

一云交州異物

志

唐志同

吳萬震南州異物志一卷

選江賦

東晉

注引之

撰發蒙記一卷載物產之異朱應扶南異物志一卷張

騫出闢志一卷涼州異物志一卷許善心撰方物志二  
十卷

大業四  
年奏之

唐志沈瑩臨海水土異物志

選注

陳祈

暢異物志各一卷京兆郡方物志二十卷諸郡土俗物  
產記十九卷房千里南方異物志孟瑣嶺南異物志各  
一卷劉恂嶺表錄異三卷 武紀元鼎六年珠厔儋耳

張晏曰異物志二郡在海中 晉書續咸著遠游志異  
物志皆十卷 唐志沈懷遠南越志五卷 書目南越志  
五卷宋沈懷遠載三代至晉南越疆域事跡 選注引異  
物志南越志又蜀都賦注引譙周異物志水經注引楊  
氏南裔異物志

漢匈奴地圖

南匈奴傳建武二十二年右奧鞬日逐王比密遣漢人  
郭衡奉匈奴地圖二十三年詣河西太守求內附

漢中興四夷國俗風土

後東夷傳序自中興之後四夷來賓雖有乖畔而使驛  
不絕故國俗風土可得略記凡蠻夷戎狄總名四夷猶  
公侯伯子男皆號諸侯 南蠻傳論漢氏征伐戎狄文  
約所沾風聲所流幾將日所出入處著自山經水志者  
亦略及焉 西域傳論西域風土之載前古未聞漢世  
張騫懷致遠之略班超奮封侯之志 東夷夫餘挹婁  
高句麗句 驪

驪一名貊東沃沮  
滅韓馬辰弁倭

南蠻巴郡南郡蠻  
板楯蠻夷

西南夷夜郎滇王  
哀牢夷

邛

都夷祚都夷冉

西羌

是劍滇良麻奴

西域

狗彌于寘西

驃夷白馬氏

大月氏

湟中月氏胡

夜安息大秦

車疏勒蒲類東且彌車師前王

南匈奴

烏桓鮮卑

### 晉華陽國志

書目十卷晉散騎常侍常璩撰志巴漢風俗并公孫述以後據蜀事元豐間呂大防為叙云蜀記之可觀未有過此蜀記三卷唐鄭暉載建蜀之因及人物古跡

漢地理志注牂柯引華陽國志隋志常寬蜀志一

### 卷

宋武北征記

隋志一卷戴氏撰

梁方國使圖 職貢圖

裴子野傳武帝時西北遠邊有白題及滑國遣使由岷山道入貢子野曰漢頽陰侯斬胡白題將一人服虔注云胡名也又漢定遠侯擊虜入滑此其後乎時人服其博識敕使撰方國使圖廣述懷來之盛自要服至海表凡二十國 梁元帝職貢圖序曰甘泉寫闕氏之形後

宮玩單于之圖贊曰北通玄菟南漸朱鶩

詳見內附類

後

漢東夷傳文選注引外國圖水經注亦引之

又見通典

南

史滑國車師別種漢永建元年八滑從班勇擊北虜有功勇上八滑為後部親漢侯梁天監十五年始遣使獻方物普通元年二月滑國遣使獻黃師白貂裘波斯錦三年八月甲子白題國遣使朝貢七年大同元年三月辛未滑國朝貢七年又朝貢

隋西域圖記

裴矩傳大業二年西域諸國至張掖交市令矩護視乃  
訪諸商胡國俗山川險易撰西域圖記三卷合四十四  
國別造地圖凡為三道北道起伊吾中道起高昌南道起  
鄯善于闡總湊燉煌還奏之三年矩說高昌伊吾等入朝  
後破吐谷渾拓地數千里   志三卷唐志同 西域道里記三  
卷諸蕃國記十七卷失姓名 方物志二十卷見上 史記正義  
云西域圖記鉢汗古渠搜也 唐志裴矩高麗風俗一卷

唐西域記

欽定四庫全書

卷十六

志

見後

書目十二卷貞觀中玄奘譯辨機撰玄奘徧歷

西域一百三十八國因記其山川聚落風俗古跡之詳

一云玄奘所歷一百一十國傳聞二十八國山川風俗釋氏事迹皆錄

志地理有王元

策中天竺國行記十卷程士章西域道里記三卷韋弘

機西征記

卷亡達奚通海南諸蕃行記一卷

書目云西南海諸蕃行記

一卷唐上元中唐州刺史達奚弘通撰弘通以大理司直使海外自赤土至虔州凡經三十六國略載其事

北史後魏董琬等出鄯善招撫九國來貢獻者十六國

琬等使還言西域自漢武時五十餘國後稍相并至太

延中為十六國分其地為四域小渠長蓋以百數出西域本有二道後更為四出

唐高麗封域圖

高麗傳太宗已禽突厥頡利建武遣使者賀并上封域圖  
帝曰高麗地止四郡隋末高建武嗣王賈言志曰高麗秘記曰不及九百年當有八大將滅之

唐貞觀方物錄

貞觀二十一年三月十一日詔以遠夷各貢方物其草

木雜物有異常者所司其詳錄焉 按會要如葉護之蒲萄康國之金桃伽國之鬱金香伽羅之鉢羅花達國之佛土菜皆奇物也至如環王之大珠于闐之寶帶吐蕃之金鵝高昌之錯刀又會要所不載者詳見  
朝貢 書目有唐夷狄貢一卷始於北突厥終於師子國而以雜記附焉並唐貞觀以來諸國貢獻等事

唐西域圖志

志西域圖志六十卷西域平高宗遣使分往康國吐火

羅訪其風俗物產畫圖以聞詔史官撰次許敬宗領之  
顯慶三年上會要顯慶三年五月九日以西域平遣  
使分往康國吐火羅國等訪風俗物產及古今廢置畫  
圖以進令史官撰西域圖志書成學者稱其博

西域傳同龍

朔元年六月十七日吐火羅道置州縣使王名遠進西

域圖記并請以十六國分置都督府州縣開元中安西

都護蓋嘉惠撰西域記志釋氏類玄奘大唐西域記

十二卷辨機西域記十二卷

見上

地理志天寶中玄宗

問蕃國遠近王忠嗣以西域圖對纔十數國見通典

酈

元注水經河之發源引禹記山經釋法顯遊天竺記釋

氏西域記

唐西域圖

會要天寶六載四月二十五日上問諸蕃諸國遠近鴻

臚卿王忠嗣上言曰謹按西域圖云自陀拔恩單國至

史國凡十有二陀拔恩單羅利支都槃勃達河沒政  
蘭涅滿沙蘭石國罽賓東突厥國

魏志云自虞暨周西戎有白環之獻東夷有肅慎之貢

皆曠世而至及漢遣張騫使西域窮河源經歷諸國置都護以總領之然後西域之事具存史官得詳載焉

張騫至大宛大月氏大夏康居而傳聞其旁大國五六具為天子言其地形所有語皆在西域傳

吏士爭言  
外國奇怪

唐西陲要略 西戎記

志兵書類范傳正西陲要略三卷韋皋開復西南夷

舊紀

作事狀十七卷會要云十卷貞元十四年十一月已未進雜傳記類裴肅

平戎記五卷李德裕西蕃會盟記三卷西戎記二卷

舊史范傳正遊西邊著西陲要略三卷 舊紀貞元十四年十一月己未韋皋進開西南蠻事狀十卷叙開復南詔之由

唐南詔地圖

南詔傳貞元十年六月雲南王異牟尋獻地圖方物請復號南詔 西域傳貞觀二十二年東天竺王送牛馬餽軍迦沒路國獻異物并上地圖請老子象

唐西極圖

元稹進西北邊圖狀臣先畫聖唐西極圖三面草本並  
畢於思政殿奉旨云諸家所進河隴圖勘驗皆有差異  
并檢尋近日烽鎮城堡不得令臣所畫稍須精詳臣別  
畫京西京北州鎮烽戍道路等圖一面纖毫必載尺寸  
無遺若邊上奏報煙塵陛下可坐觀處所猶慮閱覽有  
煩尋於古今圖籍之中纂撰京西京北圖經四卷所冀  
袵席之上欹枕而郡邑可觀游幸之時倚馬而山川盡  
在模樂府云開遠門前萬里堠今來威到行原州去京五百而近何其逼天子縣內半沒為荒陬

田

年為入吐蕃使太和八年四月進入蕃行記圖一軸并圖經八卷

唐戴斗諸蕃記

書目唐幽州判官張建章撰一卷載朔漠羣蕃回鶻等族類本末及道里遠近唐志同 唐志張建章渤海國記

三卷太和中 李繁北荒君長錄三卷 隋志北荒風俗記

諸蕃風俗記各二卷失姓名 王貽孫云武后時婦人始

拜而不跪張建章渤海記言之

唐雲南記 南詔錄 雲南志

書目雲南志十卷咸通中樊綽撰以南蠻程塗山川城

鎮名號諸蠻族類風俗物產纂為十門南詔錄三卷

唐志

卷同唐徐雲度撰乾符中南詔請通好邕州節度使辛謙

遣雲度復命使回錄所見聞上之 會要元和十三年

六月宰臣袁滋撰雲南紀五卷上之

滋貞元十年使南  
記 詔舊史云雲南

南記五卷乾符五年七月邕管節度辛謙遣從事徐雲

度通好南詔凡水陸四十七程至善闡府遇驃信游獵

尚去雲南十六程叙好而還進南詔錄三卷 志竇滂

雲南別錄一卷

叙南蠻族類及風土

雲南行記一卷 樊綽蠻書十

卷

咸通纂  
襲從事

書目樊綽南蠻記十卷

載南朝至道初書所歷

國史志辛

怡顯至道雲南錄三卷

皇朝至道初書所歷

崇文目雲南風俗

記一卷

唐雲南行紀

晁氏志韋齊休二卷長慶三年從韋審規使雲南紀往來道里及見聞序謂雲南所以能為唐患者以開道越

窩耳若自黎州之南清溪關外盡斤棄之疆場可以無虞不然憂未艾也及唐之亡禍果由此本朝棄窩州不守而蜀遂無邊患

唐十道四蕃志

見上

六典戶部郎中掌天下州縣十道貢賦之差關內道遠夷則控北蕃突厥之朝貢河南道遠夷則控海東新羅日本之貢獻河北控契丹奚靺鞨室韋隴右控西域胡戎江南控五溪之蠻劍南控西河羣蠻嶺南控百越林

邑扶南之貢獻主客掌諸蕃朝聘之事凡四蕃之國經朝貢已後自相誅絕及有罪見滅者蓋三百餘國今所存者有七十餘國三姓葛邏至焉者突騎施等七十國國史志韓郁

十道四蕃引一卷 舊紀元和二年四月庚辰嶺南節度使趙昌進瓊管儋振萬安六州六十二洞歸降圖

史記正義引康氏外國傳宋膺異物志廣志裴矩西域記裴氏廣州記道書福地記 漢地理志注師古引裴氏廣州記裴淵 吳呂岱傳表分海南三郡為支州海東

四郡為廣州注引王隱交廣記

唐志交州以來外國傳一卷

太平興國海外諸域圖

三年正月丁未知廣州李符獻海外諸域圖嶺表花木圖各一八年八月丁酉辰州言溪錦漱富等四州蠻求內附輸租稅詔令州長吏察其謠俗情偽并按視山川地形具圖來上天禧二年六月壬寅富州刺史向通漢以五溪地理圖來上乞留京師不允以為防禦使

咸平六年五月乙卯知廣州凌策上海外諸蕃地理圖

國史志崔峻華夷列國入貢圖二十卷 吳育錄上

真宗時通西域諸蕃事迹

真宗命潘羅支攻故李繼遷其子德明遂歸順

曾

致堯西陲要紀十卷范昊邕管記三卷

景德交州圖

景德三年七月壬戌沿海安撫使邵曄上邕州至交州水陸路及控制宜州山川四圖上曰祖宗開疆若此廣大謹守而已安用勞民以貪無用之土如有叛亂不得不除爾未幾黎龍廷請入貢四年七月乙亥遣弟明昶

入貢辛巳授以官爵 邵曉傳上邕州至交州水陸路  
及宜州山川等四圖頗詳控制之要

曉景德中充交趾  
安撫國信使改命

為緣海安撫使許以便宜設方  
畧自詔書安南諭朝廷威德

康定二年劉渙抵青

唐得誓書與西州地圖以獻四月庚辰渙為秦隴招安

蕃落使 陳承韞撰南越記一卷 乾道九年安南入

貢客省承詔具風俗及貢物名數為安南土貢風俗一

卷

天禧雲南錄

五海

十四

見錄類

康定四夷龜鑑

元年九月四日丙辰學士王堯臣等上渭州推官魏庭  
堅所撰四夷龜鑑三十卷殿中丞王琥獻平戎方略並  
送史館

嘉祐契丹地圖

祥符中知制誥王曾奉使撰契丹志一卷載經歷山川  
城郭嘉祐二年四月辛未通判黃州趙至忠上契丹地

圖及北庭雜記十卷言北中事尤詳

熙寧北道刊誤志

熙寧中集賢校理王瓘承詔撰十五卷載遼使所歷州

郡風土人物故實刊其謬誤

北敵通好久歲遣使賓餞以郡邑圖經脫誤不足以

對敵人之間詔王瓘考正為一書及成凡十五卷賜名北道刊誤志

契丹疆宇圖二卷

地理圖一卷不知作者 武珪自契丹還上廣平淀受

禮圖 嘉祐元年蕭扈來賀正言陽武寨天池廟侵北

界詔館伴使王洙持圖道本末 晁迥傳使契丹還奏

北庭記 陳堯叟著請盟錄三卷 劉敞使契丹能知  
古北口松亭柳河道里之迂直以詰遠人敵驚顧羞恧  
吐實以告多識博極至此豈不足以外折四夷之姦心  
表中國之有人哉

元豐五路對境圖

五年六月己未上批先有西界對境圖西討以來奏報  
文字指畫山川道里多異同無以考證令遂路選委出  
界熟知賊境次第者差畫工同指說山川堡寨西賊聚

兵處地名畫對境地圖以色別之上樞密院候到取舊  
對境圖及軍興奏報比對考校繪為五路都對境圖

崇寧雞林志

書目雞林志二十卷崇寧中吳拭使高麗撰載往回事  
跡及一時詔誥 又三十卷王雲撰其類有八自高麗  
事類至海東備檢雲從拭使高麗 雞林類事三卷崇寧初孫

穆撰叙土風朝制方言附口宣刻石等文 唐藝文志

奉使高麗記一卷

淳熙三國史記

元年五月二十九日明州進士沈柦上海東三國史記五十卷賜銀幣百付祕閣

淳熙北邊備對

淳熙開年程大昌在講筵孝宗問北方地里後因追記古來中華北狄樞紐相關者條列推言之首以四海為之總統次載秦漢以來緣邊州郡凡北狄名號境土山川牙庭城障沙漠關塞所在加以辨說為六卷 李燾

著南北攻守錄三十卷

三國史記

書目五十卷高麗金富賦撰首載新羅次高句麗  
次百濟有紀表 海東三國通歷十二卷高麗高  
得相撰係以中朝歷代正朔 唐志裴矩高麗風  
俗一卷

京輔

古帝王建都

包犧氏都陳神農氏都陳而別營于曲阜黃帝都於涿鹿少皞始自窮桑而遷都曲阜顓頊始自窮桑而徙邑商丘高辛建都于亳以上見晉志堯都平陽舜都蒲坂禹都

陽城自契至湯八遷湯始居臺周文王都豐武王都鎬書陶唐有此冀方孔安國曰冀州堯所都春秋疏

堯治平陽舜治蒲坂禹治安邑三都相去各二百餘里

俱在冀州後郡國志注汲冢書禹都陽城世本同前漢志陽

翟夏禹國師古曰本禹所受封括地志涿鹿故城在媯州郡東南

五十里本黃帝所都太康地里志城東一里有阪泉

史記正義堯都平陽詩唐國徐才宗國都城記曰

隋志三卷

其北夏禹都 桀梁疏冀州者天下之中州自唐虞及

夏殷皆都焉是天子之常居鄒衍著書云九州之內名

曰赤縣赤縣之畿從冀州而起 明王奉若天道建邦

設都

堯都

禹貢冀州既載注堯所都也先施賦役載於書 地理

志河東郡平陽應劭曰堯都也在平河之陽

夏縣內 殷邦畿 三毫 周畿內 封畿

王制凡四海之內九州州方千里州建百里之國三十  
七十里之國六十五里之國百有二十凡二百一十  
國名山大澤不以封餘為附庸閭田八州州二百一十  
國注此大界方三千里三三而九方千里者九一為縣  
內餘八各立一州此殷制也周公制禮大界方七千里  
方千里者四十有九一為畿內餘四十八州各有方

千里者六一州封地五百里者四

大國

四百里者六三百

里者十一

次國

二百里者二十五及方百里者

小國

正義

夏時萬國地餘三千里

天子之縣內方百里之國九七

十里之國二十一五十里之國六十三凡九十三國餘

以祿士為閒田注縣內夏時天子所居州界名也殷曰

畿殷頌立邦畿千里維民所止周亦曰畿畿內大國九

者三公之田三致仕者副之為六餘三待封王之子弟

次國卿之田六致仕者副之又三為三孤田餘六待封

王之子弟小國大夫田二十七致仕副之為五十四餘  
九亦待封王子弟正義殷周稱畿唐虞稱服故云夏時  
畿內稱縣禹之初有四百國湯承夏制為九十三國 穀梁寰內諸侯尹更

始曰天子以千里為寰 周書度邑因有夏之居即河

南是也徐廣云在陽城後居陽翟皇甫謐云都平陽括

地志云自禹至太康與唐虞皆不易都城 詩殷武設

都于禹之績商邑翼翼四方之極注京師也箋商邑之  
禮俗可則倣 書立政三毫阪尹正義鄭玄以為三毫

蓋湯舊都之民服文王者分為三邑東成臯南轄轅西降谷皇甫謐以為蒙為北毫穀熟為南毫偃師為西毫

括地志宋州穀熟西南三十五里南毫故城即湯都

北五十里蒙城為景毫湯所盟也因景山為名河南偃

師為西毫帝嚳及湯所都盤庚所遷

漢志偃師有戶鄉  
湯所都臣瓚曰湯

居毫今濟陰薄縣  
毫邑故城在偃師縣西四十里

帝嚳都毫故  
曰從先王居

湯自南毫遷西毫仲丁遷敖

榮陽故城河亶甲居相內黃東南  
十三里名

殷祖乙居耿龍門東南  
十二里盤庚渡河南居西毫是五遷也

禮職方氏方千里曰王畿

注同王制注

大司馬方千里

曰國畿

詳見上

縣士注距王城三百里至四百里曰縣

大行人邦畿方千里

大司徒日至之景尺有五寸

謂之地中天地所合四時所交風雨所會陰陽所和乃

建王國制其畿方千里而封之

漢志雒邑與宗周通

封畿為千里宋書沈懷文曰周制封畿漢置司隸

商五邦

盤庚上不常厥邑于今五邦注湯遷亳仲丁遷亳河亶甲

居相祖乙居耿我往居毫凡五徙國都釋文馬氏云五  
邦謂商丘毫蹠相耿也

周鎬京 京師

詩公劉京師之野于時處處

後志美陽岐有周城太王所徙

文王有

聲作邑于豐

箋徙都于豐

宅是鎬京維龜正之武王成之

豐

邑在豐水西鎬京在豐水東

魚藻王在在鎬

括地

志周豐宮在雍州鄆縣東

三十五里鎬在雍州西南二

十五里徐廣曰豐鎬相去

二十五里皆在長安南

帝王世紀文王受命徙都豐

畢命宗周注鎬京也

漢志注師古曰今昆明池北鎬陂是

周官注成王雖作洛邑猶還西周

漢志周公營雒

邑以為在于土中諸侯蕃屏四方故曰京師

周東都 會諸侯 洛師 卜洛圖 匠人營

國

洛誥乙卯朝至洛師我卜河朔黎水卜澗水東瀍水西  
惟洛食我又卜瀍水東亦惟洛食俾來以圖及獻卜孔  
氏曰澗東瀍西今河南城也即王城也瀍水東今洛陽  
也即下都也遣使以所卜地圖及吉兆來告成王

水經注河王

南縣故鄭鄕地京相璠曰鄭山名鄆地邑  
城一名河南城本鄭鄶鄶山名鄭邑名周公新築在河

南縣北九里苑內東北隅平王  
以下十二王都此敬王徙成周

車攻宣王復會諸侯

于東都

王城也

平王定都于王城

敬王徙居

成周考王以王城故地封其弟威公

居

四牡龐

龐駕言徂東

東都洛邑也

駕彼四牡四牡奕奕赤芾金鸞會

同有繹 左傳成王城成周為東都

書序東郊成周

鄭注云天子之國五十里為近郊今河南洛陽相去則

然

君陳畢公戶殷民在下都之地命書皆謂之東郊

史記武王謂周公曰自

洛汭延于伊汭居易無固我南望三塗北望嶽鄙顧瞻

有河粵瞻伊洛母遠天室營周居于洛邑太史公曰學

者多稱周伐紂居洛邑其實不然武王營之成王使召公卜之居九鼎焉而復都豐鎬至平王乃遷洛 娣敬曰周公營成周都雒以為此天下中諸侯四方納貢職道里鈞 帝王世紀后稷始封邵公劉徙邑於豳太王徙邑於岐山之陽南有周原故始改號曰周王季徙程書序曰維周王季宅程是也文王徙都於豐武王營洛邑而定鼎焉今洛陽西南洛水之北有鼎中觀是也周公相成王以豐鎬偏處西方貢不均乃使召公卜居洛

水之陽以即土中故援神契曰八方之廣周洛之中遂  
築新邑營定九鼎以為王之東都公羊傳曰王城者何  
東周也成王既卜營洛邑建明堂朝諸侯復還豐鎬書  
序曰還歸在豐世本曰懿王居犬丘平王徙居洛洛誥  
所謂新邑也敬王東居成周遂徙都至赧徙居西周

白虎通夏為夏邑殷為商邑周為京師 通鑑外紀七  
年武王作邑于鎬成王定鼎郊廟周公至洛營築是為  
王城郭方七十里曰此天地之中道里均也周公又營

成周遷頑民 隋李德林傳謹案大傳周公四年建侯  
衛五年營成周六年制禮作樂 輿地志成周在城東  
故曰東周 博物志周在中樞三河之分風雨所起四

險之國 後漢志雒陽

摯虞曰古之周南

周時號成周

公羊傳東周也

何休曰周道始成王之所都也帝王世紀曰城東西六  
里十一步南北九里一百步晉元康地道記曰城內南  
北九里七十步東西六里十步 為地三百頃十二畝三十六步 河南周公所城雒邑也

春秋時謂之王城

鄭玄詩譜曰周公攝政五年成王宅雒邑使召公先相宅既成謂之王城

博物記曰王城方七百二十丈 鄭方七十里 南望雒水北至陝山地道記曰去雒城四十里

東城門

名鼎門北城門名乾祭 呂氏曰平王東遷之後所謂西周者豐鎬也東周者東都也威烈王之後所謂西周者河南也東周者洛陽也 王城非天子時會諸侯則虛之下都則保釐大臣所居 書之言洛皆謂之成周左氏第言子朝既逐王入于成周敬王請城成周之辭亦謂成王合諸侯城成周以為東都則成周者洛邑之總名 周官辨方正位體國經野 考工記匠人建國水地置塾眡景匠人營國方九里旁三門國中九經九

緯經涂九軌左祖右社面朝後市

營謂大尺其大小

室中度以

几堂上度以筵

明堂度九尺之筵

宮中度以尋野度以步塗度

以軌內有九室九嬪居之

路寢之裏外有九室九卿朝焉

路門

表之九分其國以為九分九卿治之王宮門阿之制五雉

宮隅之制七雉城隅之制九雉經塗九軌環塗七軌野

塗五軌門阿之制以為都城之制宮隅之制以為諸侯

之城制環塗以為諸侯經塗野塗以為都經塗易氏

曰六卿分六職而三孤無正職安得分九卿而且言九

分其國考工非成周之全書取其營國之大槩可也諸侯之制降於天子都鄙之制降於諸侯而降殺以兩焉都鄙在王畿之中近君者也雖有八命六命四命之不同而其制例以五諸侯在王畿之外遠君者也雖有九命七命五命之不同而其制例以七然亦異代之制若成周之制各眡其命之數建國建城於始也營國營宮室於後也方九里乃上公之制非天子之制或者禹卑宮室而九里其夏制乎量人營國城郭量市朝道巷

門渠造都邑亦如之

下士二人掌建國之  
臺注若匠人職云

文王有聲

築城伊滅箒謂方十里曰滅文王築城豐邑其方十里

與滅同其制大於諸侯小於天子言小於天子則知天  
子為十二里大於諸侯則知上公為九里

周三毫

書立政三毫阪尹注毫人之歸文王者三所為之立監  
疏鄭玄以三毫阪尹共為一事云湯舊都之民服文王  
者分為三邑其長居險故言阪尹蓋東成韋南轅轍西

降谷也皇甫謐以為三處之地皆名毫蒙為北毫穀熟  
為南毫偃師為西毫見上

周京

白虎通詩云命此文王于周于京此言文王誅伐故改  
號為周易邑為京也

漢都長安

高紀五年二月甲午即皇帝位于汜水之陽帝乃西都  
洛陽夏五月戊卒婁敬求見說上曰陛下取天下與周

異而都雒陽不便不如入關據秦之固上以問張良良  
因勸上是日車駕西都長安注著是日者言從善之速  
也長安本秦之鄉名高祖  
焉作都拜婁敬為奉春君後九月徙諸侯于關中治長樂

宮七年二月至長安蕭何治未央宮立東闕北闕前殿  
武庫太倉自櫟陽徙都長安九年十一月徙齊楚大族  
昭屈景懷田氏五姓關中興利田宅 嫩敬傳漢五年  
說上曰陛下都雒陽豈欲與周室比哉上曰然敬曰陛  
下取天下與周異秦地被山帶河四塞以為固卒然有

急百萬之衆可具因秦之故資甚美膏腴之地此所謂  
天府上疑未能決及留侯明言入闕便即日駕西都闕  
中 西都賦仰悟東井之精俯協河圖之靈奉春建策  
留侯演成天人合應以發皇明乃眷西顧實惟作京

史六國表或曰東方物所始生西方物之成熟夫作事  
者必于東南收功實者常於西北故禹興於西羌湯起  
於毫周之王也以豐鎬伐殷秦之帝用雍州興漢之興  
自蜀漢

漢長安四市 九市 五都 唐京都四市

見太

府寺

表京兆有長安市令丞馮翊有長安四市長丞 黃圖

直市在富平津西南二十五里

秦文公造物無二價故有直

市又有柳市東市西市有當市樓有令舍以察商賈貿易三輔都尉掌之

王尊尹京兆鋗耘豪彊長安宿豪東市賈萬城西萬章皆棄誅之 惠紀

六年六月起長安西市 第五倫領長安市

西都賦九市開場貨別隧分

注漢宮闕疏長安立九市六在道西三在道東

各方二百六十

六步廟記云長安市  
有九凡四里為一市

西京賦廣開九市通闕帶闕旗

亭五重俯察百隧周制大胥令也惟尉壞貨方至鳥集

鱗萃三輔舊事長安城中八街九陌閭里一百六十

室居櫛比門巷修直食貨志莽於長安及五都

西都賦五

都之貨殖立五均官更名長安東西市令及洛陽邯鄲臨淄

宛成都市長皆為五均司市稱師東市稱京西市稱畿

洛陽稱中餘四都各用東西南北為稱皆置交易丞五

人錢府丞一人貨殖傳莽以王莽鄉為京師市師漢司東市令也司馬母憚為漢市長

漢三輔

地理志京兆尹

故秦  
內史

高帝元年屬塞國二年更為渭南

郡九年復為內史

本秦京師  
為內史

武帝建元六年分為左右

內史

師古曰表云景帝分  
置據史記知志誤

太初元年更為京兆尹縣十

二杜陵

故秦  
內史

高元年屬塞二年更名河上郡

九年復為內史武建元六年分為左內史太初元年更

名左馮翊縣二十四

高陵至  
雲陽

左扶風

故秦  
內史

高元年屬雍

國二年更為中地郡九年復為內史武建元六年分為

右內史太初元年更名主爵都尉為右扶風縣二十一

郡

渭城至武功平元始四年分京師置前輝光後亟烈二郡

表內史周官非治民秦

因之掌治京師景帝二年分置左右內史武太初元年

更名京兆尹左內史更名左馮翊主爵中尉秦官掌列

侯景中六年更名都尉武太初元年更名右扶風治內

史地與左馮翊京兆尹是焉三輔

服虔云皆治在長安城中黃圖云京兆

在尚冠前街東入故中尉府馮翊在太上皇廟西入右扶風在夕陰街北入故主爵府屬官有都

水鐵官元鼎四年更置三輔都尉丞各一人元帝建昭

三年令三

輔都尉秩皆二千石永光六年分諸陵邑屬三輔六奧三輔縣丞尉用他郡人

京兆馮翊扶

風皆秩二千石丞六百石司隸校尉征和四年初置察

三輔

黃圖曰太初元年以渭城以西屬右扶風長安以東屬京兆尹長陵以北屬左馮翊以輔京師謂之

三輔內史

始於周苛表七人

左內史

建元四年鄭當時公孫弘兒寬

自錯至咸宣七人右內史

建元四年鄭當時

汲黯

番係

至王溫舒九人

周之六鄉六卿分治之秦止以內史治畿內漢因之雖失六卿分治之意然內史猶廷臣也至太初分三輔之後去大郡無幾判然與朝廷二體矣

京兆尹

表四十二人始太初元年無忌至元始五年武

農京兆郡國首宗正劉德行尹事

前有趙張後有三王

雋不疑

翟方進

張敞傅

京兆典京師長安中浩穰於三輔尤為劇郡圍二千石以高第入守及為真久不遇二三年近者數月一歲敝

為京兆九歲

後漢廷篤邊鳳

左馮翊

表三十六人始太初殿周蕭望之

韓延壽

馮野王

尹翁歸

薛宣  
朱博

右扶風

表三十三人始太初咸宣

鄭弘  
彭宣

王訢

王訢

蕭育

龔

勝

東方朔傳詔中尉左右內史表屬縣草田

注師古曰時未

為京兆馮翊風也

師古曰中尉及左右內史

為三輔非必謂京兆馮翊扶風也

漢興去三河之地止霸產以西都涇

渭之南北所謂天下陸海之地元紀建昭三年夏令

三輔都尉大郡都尉秩皆二千石西京賦封畿千里

統以京尹 景中五年詔三輔舉不如令者

時未置三輔

郡國志注潘岳關中記曰三輔舊治長安城中長吏各

在其縣治民光武東都之後扶風出治槐里馮翊出治

高陵 百官志後漢都雒陽不改三輔之號但減其秩

與太守同

後志漢初都長安皆秩中二千石謂之三輔

趙廣漢傳左馮翊

右扶風皆治長安中廣漢曰亂吾治者常二輔也今得

兼治之直差易耳 尹翁歸傳京師畏其威嚴盜賊課

常為三輔最

右扶風

薛宣傳威德並行盜賊什分三輔

之一左司  
馮

張敞拜膠東相請吏追捕有功效者北

三輔尤異 元延中尹賞為鄭令以三輔高第選守  
長安令 馬宮舉陳遵能治三輔劇縣為郁夷令

高紀七年二月自櫟陽徙都長安 史記大事記高

帝六年更命咸陽曰長安

師古曰長安本秦之鄉名

史秦紀獻

公城櫟陽徐廣云徙都之今萬年也

括地志云櫟陽故城一名萬年

城在雍州東北百二十里櫟陽漢七年分城內為萬年縣隋開皇三年遷都於龍首川今京城也改萬年為大興縣唐武德元年又改萬年在州東七里

三輔之制始於太初景帝

詔三輔舉不如令表亦云元鼎四年置三輔都尉則已有三輔之名三輔都尉置於元鼎東方朔傳乃云建元三年右輔都尉徵循長楊以東則已有右輔都尉之官豈是時止云左右內史史氏省文以後制書之耶 太初始改官名咸宣為右扶風京兆無忌馮翊殷周前有趙張後有三王得人之盛也尹翁歸緩於小弱急於豪強循吏之政也 劉德每行京兆尹事多所平反慈惠之師也 陳萬年鄭弘皆以守相

高第野王則以治行之高朝廷用人之法也言其薦賢  
則馮翊宋疇舉黃霸賢良擢揚州刺史言其考功則以  
望之守平原日淺復試之以治民任用儒者則嚴彭祖  
以公羊之學自河南守高第為馮翊優擢材能則朱博  
先為馮翊後為京兆學以從政臨事不惑有若雋不疑  
崇教養善威德並行有若薛宣鄆賊阻山數月平定政  
尚威嚴有治辨名有若蕭育尹立長安游徼獄吏百  
石馮翊卒史二百石吏追捕有功調補縣令此謂三輔

尤異在他郡莫能儗焉長安於三輔為尤劇郡國二千石以高第入守而後為真此謂浩穰雖馮扶莫得並焉其任用則尹賞之為鄭令以三輔高第選守長安令其信必賞罰則薛宣條高陵櫟陽二令之臯皆解印綬去東都居是職者始則王丹張湛郭丹蓋延次則鄭衆左馮尹郅壽京兆戶王堂右扶風陳禪左馮翊陳龜京兆戶楊秉要河南尹以河南尹為重

詩曰商邑翼翼四方之極禮俗翼翼然四方所則倣王

化所以自京師始也周人合公卿大夫之賢通治六鄉  
記曰古之欲明明德於天下者先治其國夫王畿固  
天子所自治也漢以來任京兆尹然而智進則德退術  
勝則道微呂氏春秋古之王者擇天下之中而立國  
擇國之中而立宮擇宮之中而立廟王制正義周禮  
太宰云施典于邦國建其牧立其監是畿外邦國有牧  
畿內不置

漢洛邑 河南尹 漢京

後紀建武元年十月癸丑車駕入洛陽遂定都

見南宮

後志河南尹主京都特奉朝請秩二千石漢初三輔秩中二千石中興更河南為尹三輔不改其號但減其秩

注河南尹有宋獻仁恕掾  
魯恭傳拜中年令建初七年郡國螟不入中年河南尹袁安使仁恕掾肥親往廉之見漢官儀

翼奉傳願徙都成周左據成臯右阻罷

池前鄉崧高後介大河 東都賦增周舊修洛邑光漢

京于諸夏 河南尹歐陽歛

光即位

王梁

五  
范遷

永平五年以官

為司徒 郭賀以清靜稱  
袁安肅宗時言魯恭三異

召伯春

元和二年宋嵩時

章和

張酺

和帝時

楊秉李膺杜密劉祐羊陟歷歷維見文選

天以日月為綱地以四海為紀九土星分萬國錯時

崤函有帝皇之宅河洛為王者之里

漢六輔

兒寬傳遷左內史奏開六輔渠注韋昭曰六輔謂京兆  
馮翊扶風河東河南河內也師古曰非也文選任昉  
云六輔殊風五方異俗注引韋昭注

漢八都

西京賦漢氏初都在渭之涘量徑輪考廣袤經城洫營  
郭郛取殊裁於八都豈歛度於往舊詳綜注八都猶八方也乃覽

秦制跨周法 魏都賦畫雍豫之居寫八都之宇

漢南都

張衡南都賦於顯樂都既麗且康陪京之南居漢之陽  
注南都在南陽光武舊里以置都郡城周三十六里摯虞曰南

陽郡治宛在京之南故曰南都 戴逵南都賦圖

魏五都

魏志注文帝黃初二年正月改長安譙許昌

壬午改許  
縣為許昌

縣  
鄴洛陽為五都立石表西界宜陽北循太行東北界  
陽平南循魯陽東界鄴為中都之地 水經注魏因漢  
祚復都洛陽以譙為先人本國許昌為漢之所居長安  
為西京之遺迹鄴為王業之本基故號五都

晉丹陽尹

宋志丹陽尹秦鄣郡治今吳興之故鄣縣漢初屬吳國  
後屬江都國元封二年為丹陽郡治今宣城之宛陵縣

晉武帝太康二年分丹陽為宣城郡治宛陵而丹陽移治建業元帝太興元年改為尹領縣八 晉平吳治建業 王導曰建康古之金陵舊為帝里又孫仲謀劉玄德俱言王者之宅 温太真劉真長或功銘鼎彝或德標素尚 唐志丹陽尹傳十卷梁元帝撰 舊唐志分吳會丹陽三郡記二卷 庾闐揚都賦

隋新都

文帝開皇初嫌長安城制度狹小又宮內多妖異納言

蘇威勸帝遷都帝以初受命難之夜與威及左僕射高頗  
共議明日通直散騎庾季才奏曰臣仰觀元象俯察圖記  
必有遷都之事且營此城將八百歲水皆鹹鹵不甚宜人  
願陛下協天人之心為遷徙之計帝愕然謂頗與威曰是  
何神也太師李穆亦上表請遷都帝省表曰天道聰明已  
有證應太師人望復抗此請無不可矣二年六月丙申詔頗  
等創造新都於龍首山以太子庶子宇文愷有巧思領營新  
都副監十二月丙子名新都曰大興城三年春正月庚子將

入新都大赦天下三月丙辰入新都京師醴泉出 詔曰龍

首山川原秀麗卉物滋阜卜食相土宜建都邑 十三年二

月丙子詔營仁壽宮 大業元年三月丁未營建東京

唐三都 五都

六典京兆河南太原為三都 志上都初曰京師天寶

元年曰西京

會要開元元年十二月三日改  
為京兆府稱西京張暉為戶

至德二載

曰中京

十二月十五日上元二年復曰西京九月二十一日肅宗元年

曰上都

建卯月一日其年十一月改東都六年九月

東都隋置武德四年廢

改洛

貞觀六年號洛陽宮顯慶二年曰東都

會要二年

十二月十

州三日

光宅元年曰神都

九月五日

開元元年十二月十

丁卯

神龍元年復曰東都

二月五日

開元元年十二月五

上元

天寶元年曰東京

二月二十日

開元元年十二月一

日改為河南府

李傑為戶

建卯

河中府本

元年罷京

九月二十一日

肅宗元年復為東都

建卯

月

河中府本

蒲州開元八年置中都為府

會要九年正月丙辰改

姜師度為戶六月三日已

卯罷都復為州乾元三年三月二十三日復為府蕭華

為戶元年建卯月一日號為中都元和三年三月復為

府

北都天授元年置

會要長壽元年九月七

日置改并州為太原府

神龍元年

罷

二月四日

開元十一年復置

正月二十日置韋湊為戶

紀開元十一年正月辛卯次

并州改

天寶元年

正月二

日北京上元二年罷

九月二十一日

為北都

十日

肅宗元年復為北都

志開元十一年為府與會要異

陳京為北都賦

江陵府

本荊州肅宗上元元年號南都為府

九月七日改

二年

呂謹為尹

二年

罷都是年又號南都尋罷

興元府本梁州興元元年

為府

六月十四日震震為尹

成都府益州至德二載

十二月十五日

曰南

京為府

裴冕為尹

上元元年

九月七日

罷京鳳翔府本岐州至德

元載

七月二十七日更郡曰鳳翔

二載十二月號西京為府

李華

上元二年

九月一日

罷京元年建卯月曰西都未幾復罷華

戶為

州乾寧四年曰興德府光化三年復為州

會要光化元年六月升府

韓吏  
為戶

肅宗至德二載十二月戊午以蜀郡為南京鳳

翔為西京西京為中京上元元年九月甲午置南都於

荊州以為江陵府寶應元年建卯月辛亥朔詔曰五都

之號其來自久宜以京兆為上都河南為東都鳳翔為

西都江陵為南都太原為北都開元十一年并州置

北都詔云國家龍躍晉水鳳翔太原猶成湯之居毫有

周之興岐昔堯理唐郊式建丹陵之地漢居洛邑更表

南陽之都 吕諲傳建請荊州置南都於是更號江陵  
府以諲為尹置永平軍萬人遏吳蜀之衝德以來處方南數十人諲最有名自至舊

紀大厯五年八月辛卯宰臣請置中都於河中府不報

### 唐四輔

會要開元中定天下州府以近畿之州為四輔同華岐

蒲是也六典同

志華州

關

華陰郡上輔

縣四府二十有

鎮國軍肅宗上

元元年置董晉李絳

楊場崔彊弘禮高郢

同州馮翊郡上輔

縣八府二十有

六姚崇蘇

環呂岐州扶風郡上輔

至德二載為鳳翔府縣九府十三許景先薛登李朝隱

蒲

州河東郡上輔

開元八年為河中府縣十三府三十  
東三有耀德軍乾元二年置裴寬韋

安石抗陸象先

其開元二十二年分京畿京兆華陰  
三扶風馮翊

餘為六雄十望十繫

河南陝郡榮陽河  
開元二十二年置

新安上洛安康等是也

都畿

河南陝郡榮陽河  
內臨汝等是也

太和元年正月韋

處厚奏復置六雄十望十繫三十四州別駕

後入繫者多不復具

列

六雄

陝懷鄭  
汴魏絳

十望

號汝汾晉宋許滑  
衛相洛見六典

唐兩京

書目韋述兩京新記五卷開元中撰述謂兩京創自隋代至開元百有餘年乃載其廢置遷徙之由西京始於

開皇東都起於大業 唐志馬溫鄴都故事二卷

書目  
云載

曹魏以來 鄭中宮  
殿遺跡及其興廢

元和志後魏太和十七年經始洛京

十九年九月新都始立

韓顯宗言昔周居洛邑猶存宗

周漢遷東都京兆置尹 朱朴言襄鄧實惟中原人  
心質良去秦咫尺而上有洛為之限永無夷狄侵軼  
之虞此建都之極選也

宋朝四京 皇祐京畿

東京開唐汴州梁為東京

開平元年四月二  
十三日

後唐罷晉復為東

京天福三年十月建隆二年七月壬申以太宗為開封尹興國

元年十月庚申廷美為尹雍熙二年十月甲辰陳王元  
僖淳化五年九月壬申襄王真宗為尹宣和七年十一月

戊午皇太子為收皇祐五年十二月壬戌用賈昌朝議

以曹陳鄭許滑為京畿路為輔郡置漕臣王贊為之

楊大雅作皇

畿賦楊億作東西京賦周邦彥作汴都賦宣和四年六

月二十九日李長民上廣汴都賦 宋敏求撰東京記

二卷載宮闈里巷事跡 紹興中環中撰汴都名實志

三卷

西京

河

唐東都改為京梁為西都晉為西京開寶八年

十月十九日命王仁珪等修洛陽宮明年四月至洛宮  
室合九千九百九十餘區 元豐中王正倫撰古今洛

城事類二卷

南京

應

天 宋州景德三年二月甲申升應天府祥符七年

正月丙辰升南京

正殿

曰歸德

御製南京頌詔曰洪惟艷祖歷試是

邦同幽土之始基應春陵之王氣稽唐氏晉陽之制肇

建新都

先是咸平四年八月  
劉蒙叟上宋都賦

王仲專南都賦曰祥符

之際觀紫氣於芒山舞白水於南陽於是建南京陪上

國對列乎凌郊相輝乎洛宅頒慶洞開歸德峻峙旁立

原廟殿實有三祥符七年二月二日名門曰崇禮雙

門曰祥輝外西門曰迴鑾三月十三日名東門曰昭仁

延和西曰順成北曰靖安隅門曰承慶正門以東封

回賜赦觀酺賜名重熙頌慶樓漢啟南陽之都唐重

北門之館並資壯麗以示威神

北京大唐魏博節度

後唐同光元年四月為東京三年三月改都

周天雄軍

慶歷二年五月戊午升大名府為北京

正殿日班瑞

詔曰廣

萬盈之懿兆冠千里之上腴隱然北門壯我中夏六月

戊子任中師為修建使

戊蘇紳副之

七月癸丑名行宮門曰

順豫三年二月甲辰名便殿曰靖方熙寧八年十二月

九日賜北京內外城門名左右四廂凡二十三坊劉

敬作魏京詩

崇寧四年七月丁巳京畿四面置輔郡以澶鄭許三州

升襄邑為拱州是為四輔 景祐元年三月升鄭州節  
鎮詔曰周制九畿蓋尊寰內漢設二部實陪京師相宅  
浚都夾右榮圃爰稽扶翊之義參領防遏之兵 皇祐  
五年十二月壬戌以曹陳許鄭滑州為輔郡隸畿內置  
京畿轉運使 至和二年十月己丑詔京畿毋領輔郡  
范仲淹謂洛陽險固而汴為四戰之地太平宜都汴  
即有事必都洛陽可漸廣儲蓄繕治宮室

紹興行都

建炎中駐驛臨安

三年二月丙戌次杭州

紹興八年三月詔復還

二年正月以杭州為臨安府

十五年十一月十一日高袞上三都賦

十七年十二月十三日施諤上行都賦乾道七年四月

甲子皇太子尹臨安辛未宣制九年三月乙丑請解罷

專意講學從之 高宗御製中和堂詩曰六龍轉淮海

萬騎臨吳津王者本無外駕言蘇遠民 繢書目有臨

安志十五卷

紹興臨安定都

紹興四年將還臨安始命有司建太廟十二年作太社  
太稷皇后廟都亭驛太學十三年築園丘景靈宮高祿  
壇祕書省十五年作內中神御殿十六年廣太廟建武  
學十七年作玉津園太一宮萬壽觀十八年築九宮貴  
神壇十九年建太廟齋殿二十年作玉牒所二十二年  
作左藏庫南省倉二十五年建執政府二十六年築兩  
相第太醫局二十七年建尚書六府凡定都二十年而  
郊廟宮省始備



玉海卷十六